

鄒海濱 著

環遊二十九國記



世界書局 印行

環遊二十九國記

日本

中華民國二年。余當選衆議院議員後。曾爲旅行計劃。蓋衆議院任期三年。每年開會。逢展期至多六個月。擬第一年閉會後之六個月。旅行全國。第二年閉會後之六個月。旅行全球。乃討袁失敗。亡命日本。此計劃遂無從實現。十四年任國立廣東大學校長時。擬往各國調查教育。籌備一切矣。爲清黨事。開第四次全體執行委員會於西山總理靈前。從同志後。不敢告勞。遠行之意。亦卽中止。及去冬中央特別委員會停頓。自維棉薄。無補時艱。遂毅然決心浮海。族兄敏初。助以旅費。由江蘇交涉署取得游歷護照。乃成行焉。

中華民國十七年一月十四日。乘大洋丸由上海出國。同行有許汝爲兄及其家眷。居覺生程天周陳翰譽諸兄。並內弟許少榮。日友山田君與焉。覺生山田留日本。少榮則送至日本橫濱。瀕行同志及親友送者數十人。迨船出吳淞口有感。口占一絕云。

誰云此壯行。多難乃辭國。周遊可與觀。吾願師孔墨。

時船中有相呼者。見之小識。詢之知爲廣東大學學生陳丘二君。赴日本留學者。嗣復遇同學甘梁二君。皆廣東大學員生。尙有莫君等四五人。乃往神戶任教員者。舊時同學離別久矣。不圖在此晤見數人。心神至暢。

十五日風平浪靜。

十六日早三時汽笛鳴鳴。船過門司。而行內海。早餐後與廣東大學員生閒話。其後寫書數封。入夜船抵神戶。因霧不能泊岸。旋有水警來云。得內務部分。特來招待。并問明日行程。且備有汽車二輛使用。新聞記者亦紛至。是夜覺生山田少榮宿於岸上。

十七早起有黨部同志楊壽彭陳清機楊尙之等先後來訪。覺生山田少榮等亦回船。日友菊池水野萱野諸君及新聞記者均至。寒暄後。偕覺生汝爲等至同志處。遂乘當地政府所

備汽車至大阪。先後參觀朝日新聞社。每日新聞社。乃乘車至西京。遊金閣寺。園林池沼。點綴至美。行跡所至。各地政府皆派警察三人保護。當夜即乘車赴東京。

十八日晨車到東京。黨部同志日本友人來者甚衆。事先未曾電知同人。而能推測行期。咸來相接。殊可感也。至帝國飯店。與同志日友新聞記者晤談後。即與汝爲覺生等訪參謀部局長松井。此君固專司對吾國外交軍事計畫者。其對於中國野心。即可於談話中見之。蓋不云助某。即云助某也。嗣訪秋山夫人。犬養毅君。并弔寺尾先生之墓。秋山寺尾皆向助吾黨者。均已故。晚與覺生同赴東京總支部歡迎會。松井回拜。汝爲招待之。

十九日上午與廣州中山大學教授費鴻年。參觀帝國大學。該大學教授入澤博士。引觀甚殷。前入澤奉其政府命至中國時。在廣州與有杯酒緣也。此大學地震被燬以後。今已煥然一新。十五年未至日本。今來於地震之後。反覺無一不較以前爲進步。而道路平闊。交通便利。其最著者。蓋昔時路皆浮石。今則士敏土矣。前之汽車所見至僅者。今日通街滿巷矣。即其長途國路。亦至平直。

下午與同舟諸人。乘車遊熱海。途經江之島鑛倉憩焉。江之島爲井濱沿岸一小海島。通以長木橋。旣抵島。歷階而上。未半則爲島巖。復上乃至神社。兩旁貝類店甚多。次爲茶社。神社四圍。偏植花木。尙稱雅潔。比返再乘車至鑛倉。遊長谷佛寺。中有大佛。高可三丈餘。面長可八尺。外莊中空。佛腹可遊。佛背有窗。自內可以望外。遊後仍乘車赴熱海。至熱海已夜八時有奇。各人先後入溫泉浴。蓋專爲溫泉來也。

二十日上午遊熱海海旁。一路風景至佳。及遊梅林。梅花正盛開。冷香沁人。清豔無比。乘車返橫濱。與汝爲天固翰譽及汝爲家眷乘原船東行。覺生少榮因欲留日少遊。然後返國。遂亦握別。行時各同志多來橫濱相送。手執青天白日旗。國外見此。其喜可知。船開未久。爲風浪所苦。臥不能起。

二十一日仍暈船。兼腹痛。僵臥不能飲食。使者再三勸餐。乃強進少許。因口占云「殷勤將飲食。爲汝竟加餐。」

二十二日風止。腹疾亦愈。得詩一首。

放舟太平洋。洪濤勢欲狂。云是冷熱流。於此一徊徨。平時已洶湧。况值風力

強。海水聳船面。浪花濺危檣。舵樓試極目。八表竟昏茫。回顧操舟者。履險若洋洋。居危不驚擾。荊棘自康莊。俄而風浪靜。舉舟喜相望。謀國亦如是。何爲翻覆忙。

是日檢查日歷。知爲夏歷除夕。回憶兒時歡樂。爲之悵然。

二十三日黎明卽起。倚船面四望。大海茫茫。祇見朝陽。成一詩。

大海茫茫。惟見朝陽。白波相接。碧水飛揚。樓船乘浪。稊米太倉。壺中天地。寢食安康。萬有羅列。我心是王。何小不入。何大不藏。舉頭四望。渺乎八荒。

二十四日船中稍事看書及游戲。

二十五日起身後。見羣鷗飛翔。四無島嶼。因口占云。

水鷗拍拍傍船飛。何自來儀何處歸。我亦東西南北者。海天容與共忘機。

晚得三藩市總支部陳耀垣同志。來電歡迎。并云已電檀香山黨部接船。

二十六日同船日本人要求寫字。因識其中數教授。入澤并用函介紹佐藤男爵。數教授

及佐藤均赴歐者。晚日本人以食物見貽。蓋答今日之字也。

二十七日得伍梯雲兄電。知與展堂哲生諸兄。於二十五日西行赴歐。是夜得見月詩一首。

去國十餘日。今宵見月明。朦朧雲妬月。根觸故園情。

二十八日爲余生辰。因船東行。中間須增一日。方能合歷。故此次有二十八兩日。兩日皆無事。吟成一詩。

東航逐度早逢寅。添日方能合歷旬。却喜今番花樣趣。一年竟得兩生辰。

余對於詩。素抱「不吟藏拙」之戒。今在船上。不覺興發。信乎拈來。聊以自遣爾。

二十九日明日船可抵檀香山。預作書以寄國人。

三十日午船抵檀香山。泊岸。卽有檀香山總支部代表。各團體代表數十人。身佩歡迎徽章。前來碼頭。最奇者則各人持花串掛於受歡迎者各人之頸。初甚訝。繼知此間俗例也。余及汝爲天固翰譽等。上岸後卽先後至黨部各團體處致候。至十二時有奇。赴自由戲院之黨部及全檀各團體之歡迎會。院雖大而座爲之塞。然秩序至良。相繼演說畢。卽

赴公宴。皆謂今日同志同胞之踴躍。實空前所未有。蓋黨部自受共產黨分化後。前星期始歸統一。見黨員之和氣一團。心爲之慰。宴後由黨部及團體代表。乘車導遊各名勝。至巴里山徑。據云土人抗拒美人時。敗至此山。始完全屈服。故美人立碑以爲紀念。山徑風勢頗烈。立其山角。幾爲吹倒。或四面兜風所致。其地茂樹成林。綠草如茵。土人之在山凹者。男女互相謳歌。人極平等。故吾僑除入境受苛外。住此尙能相安。計華僑之在此者。共有二萬五千一百九十八人。就中有一萬四千四百二十一人。兼入美籍。至於財產。祇不動產一項。已有一千七百四十七萬四千二百金元。納諸政府之稅。去年一年之內。計七十萬八千八百七十七元。而吾僑之教育。亦頗不惡。計入當地學校之學童。共五千九百四十二人。而專讀中文者。亦有二千五百人。此各種學童中。受公共慈善機關補助者。不過八十九人。其餘皆自費。則吾僑之財力教育。亦可於此見之。其受高等教育者。只以此地夏威夷大學論。已有中國學生一百五十六人。來自中國者不過六人。其在美國各大學肄業者。仍不在內。

此地教育甚普及。復有夏威夷大學。此校創於一九〇七年。初爲農科及工程科大學。

至一九二一年則由檀香山政府。改爲各科完備之大學。分作兩院。(一)爲專科學院。內有製糖農林工程化學等科。凡畢業者授與某科學士。再研究一二年。及格者則授與某科碩士。此後則研究博士。此校得博士者至今祇有一人。(二)爲文科學院。內有各國文學史學政治經濟商科美術哲學。文科畢業者。授與文科學士。其碩士博士之授與。一如專科。此外有預備醫科。及預備法科。因二科未有正式大學。祇可轉入美國各大學。此大學有教授及助教七十五人。中有政治學及國際法教授一人。爲我國華僑林疊君。亦吾華僑之最特色者。此外有中日兩國文教授。則中日兩國人充任。

學生分正式與特別二種。現有正式生五百八十九人。特別生五百二十二。合共一千一百一十一人。吾國學生占一百五十六人。此外白人居三之一。日本人居三之一。其餘則高麗印度及菲律賓人。

其經費每年三十五萬元。大別之。則教員薪金約十五萬元。管理費用約十五萬元。建築費約五萬元。其來源則檀香山政府。每二年撥二十六萬元。美國政府。每年撥五萬元。其餘來自基金所生之息。及私人捐助與學費。學費甚少。本地學生不收學費。來自外

國者。則每年收學費百元。

此校以製糖爲最有名。次則農林。其餘各科。現亦積極發展云。

嗣後乘車遊市一週。道路之良。交通之便。園林之佳。以及建築物之整齊。人民之熙攘。無美不備矣。遊後翰譽大有願受一廬爲氓之概。此間有一旅館。其住房有一日百餘美金者。當時同志擬以之爲招待所。幸而卽日由原船行。不然太破費矣。然此每日一住百餘美金之旅館能存在。亦足見其地之富庶焉。

檀香山爲太平洋中一小羣島也。昔爲王國。一八九三年改建共和。美國屢欲得之。土人屢力拒之。卒於一八九八年。力屈。爲美所併。同時美復割得菲律賓濱於西班牙。乃於檀香山菲律賓濱。各設一軍港。於是美之勢力。橫亘太平洋。竟握太平洋霸權。若是則所謂門羅主義。及主張民族自決之美國。尙如此。他可知矣。惟是檀香山扼亞美澳三洲航線之中樞。尤爲太平洋海權所必爭之地。美雖遂欲。日豈甘心。故近來日本對此極力經營。人數大增。卽大學學生。亦占三分之一。一旦太平洋有事。日固自誇唾手可得檀香山。是又未可全以安樂士視之也。

四時許回船。送行者復至衆。同志同胞之殷殷盛情。至可感也。

船開後。無日不與海天相對。消此良辰。直至二月三晚。因明日船將抵三藩市。晚間開大宴會。廳中掛萬國旗。而中國國旗。係用青天白日者。同行各人。皆浮一大白。

美洲五國

美利堅 墨西哥 巴拿馬 古巴 加拿大

四日船至港口。此次來美。自日本啓航。卽得三藩市拍無線電至船歡迎。檀香山啓航。復得歡迎之電。故船一抵港口。三藩市總支部同人。已偕日本郵船公司代表。各報記者前來。忽見飛機翔於船之空際。初意美人演習。後知爲同志歡迎者。繞船三匝。揚手巾。呼口號而去。將泊岸。早見日本郵船公司高掛青天白日旗於碼頭歡迎。而同志及各團體代表立岸上者數百。上岸後汽車百餘。列隊巡行。加以軍樂。青天白日之旗。布滿全埠。所住之旅館。亦掛青天白日旗。

五日起大中華戲院之三藩市總支部及支部之歡迎會。

六日赴中華會館之歡迎會。其餘團體之歡迎。亦日有三三處。此間族姓最重。如許姓之歡迎汝爲無論矣。最奇者則美洲往往數姓絕不相關。聯爲同宗者。劉關張趙。前此遊記已有人言之。此次以同宗歡迎汝爲者。有聯義公所。查係以「言」旁之姓聯合爲一。將「譚」「談」「許」「謝」認爲同宗也。復查「陳」「胡」「袁」聯爲同宗。云同出自大舜。「蔡」「吳」「周」「翁」聯爲同宗。云同出自文王。「鄧」「葉」「白」「岑」聯爲同宗。云爲同郡。「黃」「伍」聯爲同宗。云因姑子歸宗關係。另有「雷」「鄭」「方」聯爲同宗。「薛」「司徒」聯爲同宗者。則未詢得何種關係。亦一趣聞也。連日忙於酬應。曾夜乘汽車遊公園一次。車行約四十分鐘。園大而草木疏密得法。日間曾環遊全埠。參觀歐戰紀念堂。博物館。水族館。各一次。匆匆而去。因自笑云。與其謂在此數處參觀。無甯謂爲在此數處跑步。此間市政聞爲全美之冠。市長連任至五次。教育亦極發達。交通至爲便利。有一街四電車路者。加省全省。(三藩市屬加省)有汽車二百餘萬。人口祇四百餘萬。平均每二人有一汽車。而電話則平均每人有一具。卽此可見一斑。

十一日下午一時。與汝爲天固翰譽等。由三藩市乘汽車赴葛崙 courtland。由三藩市

至葛崙。隔一海灣。須數十分鐘輪船。方能渡過。余等即坐原乘汽車至輪船。安然過去。此船可容百輛汽車左右。二十分鐘開一次。此類輪船碼頭。在三藩市有數處。可見其交通之便。現有人擬築長橋。政府欲其築地道。此後世界交通除地面外。必有一空中。一地下。行一小時左右。過一橋。橋長十里。亦巨觀也。至數里之橋。則不知經過多少。其道路「周道如砥。其直如矢。」八字。足以形容之。全國鄉市已一律可通汽車。此中人聞國內南京廣州等汽車。限於一小區域能行。視為新聞。現福特 Ford 公司所出汽車。每輛止須三百餘美金。而乘火車來回紐約三藩市一次。車價幾相等。故此間有人赴紐約者。改買一汽車。用款相當。且得常用。實至便也。至汽車油。其價賤無比。每加倫只十八仙。行汽車一日。以十小時計。其費不過三元。故以美國全國計。每六人有一汽車。以加省計。則每二人有一汽車。近日汽車房。實為美國一大問題。至在美國之人。則幾人人能駕駛汽車。雇汽車夫者至少也。所經各處。一望平原。麥田菓園。每數十里為一區。有一牛場。則經十小時汽車而不盡。耕植動用機器。家多木屋。悉至精美。據市政廳人云。尚有六分之四未耕之地。(一)因本國人少。(二)因農產多而價賤。不

欲多掣也。此行因事耽擱。在三藩市逾所定時間始開車。則葛崙同志。候於百里外者百餘人。已三小時有奇。汽車共六十餘輛。因是日同志各休業一日。以歡迎也。心至不安。至葛崙已五時矣。卽至黨部小息。黨部附設於中山學校。因黨部去年燒去也。此埠原有百十店舖。經去年大火。存二十餘間。五時半赴歡迎會。演說後宴會。此間無酒店。酒席皆由黨員自辦。此間黨員散住各田園。非常熱心。亦至團結。殊可佩也。

十二日上午十時。由葛崙起程赴斐市那 Fresno。道經樂居埠 Locke。分部同志。歡迎甚殷。與汝爲爲一小時有奇之演說。經市作頓埠 Stockton。各同志候此歡迎者不少。因時間關係。僅傾談二十餘分鐘而別。五時至斐市那。此埠頗大。人亦較衆。歡迎汽車亦多。到後先至旅館少憩。嗣赴黨部歡迎會。晚餐而同。

十三日由同志導遊是地高等學校蔡園等處。晚開歡迎會於香江樓。此間教授斐立博士亦參與。盛道三民主義之良好。聞此博士甚服膺總理主義。故此次余等到此。亦參與歡迎云。

十四日由斐市那回三藩市。順途往觀硫磺池。七時半抵三藩市。同時之路。在去路之

東。所過各市多整齊。較之中國各城。幾乎莫不過之。不禁感慨繫之矣。

十五日由商會介紹。并派二人引導。參觀美埃崙海軍站。是站實美國西方唯一海軍港。有海軍大將駐焉。乘船而往。經一島。名曰海崙。有木屋數十間。知爲美人留難華僑到美之所。聞常拘禁華僑數百人。市政廳某顧問云。此間經費。年須千餘萬。有擬裁之者。輒爲所阻。因有一部份保飯碗者。把持其間云。美之政治。孰云盡清明哉。一小時奇抵岸。有司令及濟亞氏來接。旋乘海軍大將地頓氏派來之汽車到公署。與地頓大將談片時。復由濟亞氏引導。參觀造船廠木廠鐵廠潛行艇廠等處。逐一解說。至十二時半。地頓大將在公署設宴招待。備極優渥。惟港地要塞。未引參觀。

十六日早赴市政廳參觀。由市長羅夫氏及其警察長秘書長十餘人出而招待。三藩市二十餘年前地震後。成瓦礫場。今日得此繁盛。聞得此市長力不少。故四年一任。計至今連任五次。實今日民選中任期最長者。詢其有何祕訣。據云。不愛錢。用人公。談話甚談諧。云遠客來。常宴以酒。詢以美正禁酒。何以有酒。據云中央禁酒。地方否也。且不飲酒。何以表示歡迎遠賓。蓋美國中央政府。不能干涉地方自治。往往中央政令。不

及地方。而地方自治之範圍。則日益擴大也。詢其教育經費。據云市歲收入三千餘萬。三分之一爲教育費。有千餘萬云。其建築費尙不在內。其祕書長出其學校圖。繁簡無一同者。據云依地方情形而建築云。嗣由其祕書長引視廳內各處。建築至爲宏偉。據云值千萬云。其圖表至詳。以教育一項。言入學兒童多少。何校肄業。若何年齡。均有極明晰之圖表。反觀我國之教育事業。爲之頽然。十一時至披詩度軍營參觀。由陸軍大將領討氏接待。復派司令官二人引觀營房及各要塞礮壘等處。而新設之要塞在外重者。并未引視。下午二時。往卜技利。參觀加省大學。由其校長甘巴氏副校長克地氏招待。復派員陪同參觀其圖書館課堂鐘樓演講堂球場等。演講堂可容二萬人。球場可容八萬人。均希臘式云。惜時間倉卒。未盡所觀。但一入其中。見學生之伶俐活潑。雅可人意。此校有學生一萬數千。實爲美國人數第二多之大學。

十七日與汝爲天固翰譽等參觀山坤頓監獄。此監獄係加省所管。容三千餘犯。實美國之最大監獄。由副監獄官和頓氏出而招待。此地爲半島。面海背山。風景殊佳。山上房屋十數所。至精美。知爲監員所住。有大房屋一。知爲監獄。入其中卽見花園一所。次